

PENYATA PENDEDAHAN PRODUK

Pelanggan yang dihormati,

Penyata Pendedahan Produk (PPP) ini memberikan maklumat penting mengenai kemudahan aliran tunai anda.

Pelanggan lain telah membaca PPP ini dan mendapati ia bermanfaat; anda juga dinasihatkan untuk membacanya.



BANK SIMPANAN NASIONAL

Tarikh: _____

1 Apakah BSN Mikro Cashline-i?

BSN Mikro Cashline-i adalah kemudahan Overdraft Islamik untuk perusahaan mikro bagi memenuhi keperluan modal kerja perniagaan mereka. Kemudahan ini membolehkan pelanggan menggunakan had pembiayaan yang diluluskan melalui akaun semasa BSN GIRO-i Premium. Kemudahan ini ditawarkan pada kadar terapung, di mana keuntungan dikira berdasarkan baki harian mengikut jumlah pembiayaan yang digunakan.

Konsep Syariah yang diguna pakai ialah Tawarruq (Komoditi Murabahah) yang melibatkan dua kontrak jual beli. Pertama, pelanggan akan membeli komoditi daripada BSN pada harga yang merangkumi jumlah pembiayaan serta keuntungan (Murabahah), dengan bayaran dibuat secara ansuran. Seterusnya, pelanggan akan menjual komoditi yang sama kepada pihak ketiga secara tunai dan serta-merta untuk mendapatkan jumlah pembiayaan yang diperlukan. Kedua-dua urusan niaga pembelian dan penjualan ini diwakilkan kepada BSN, yang akan bertindak sebagai wakil pelanggan bagi urusan niaga tersebut.

2 Ketahui Tanggungjawab Anda

Untuk kemudahan aliran tunai ini, sebagai ilustrasi:

- Jumlah pembiayaan anda = **RM100,000**
- Tempoh pembiayaan anda = **7 tahun**
- Kadar Asas Standard (KAS)* = **2.75%**
- Kadar Untung Dipersetujui (CPR) = **18% setahun**
- Kadar Keuntungan Efektif (EPR) = **KAS + 6.70% = 9.45% setahun**
- Penggunaan pertama = **RM20,000 untuk tempoh 12 hari**
- Penggunaan kedua = **RM50,000 untuk tempoh 8 hari**
- Bayaran keuntungan bulanan = **RM62.14 + RM103.56 = RM165.70**

Jumlah yang perlu anda bayar adalah RM165.70 pada tarikh bayaran anda yang seterusnya.

Anda perlu membayar fi dan caj berikut:

- Duti Setem - **RM10** - Perjanjian Pembiayaan (bagi setiap RM1,000 amaun pembiayaan)
- **RM10** - Surat Jaminan (Jika ada)
- **RM10** - Memorandum of Deposit (Jika ada)
- **RM10** - Letter of Set-Off (Jika ada)
- Fi Wakalah - **RM30**
- Fi Wasiat (jika ada): **RM500**
- Fi pemprosesan untuk pengecualian Duti Setem: **RM10** (Jika ada)
- Caj Bayaran Lewat:
 - Sebelum Tamat Tempoh: Tidak melebihi **1% setahun** ke atas amaun ansuran tertunggak.
 - Selepas Tamat Tempoh: Pada **kadar IIMM** ke atas jumlah baki tertunggak.

* KAS boleh meningkat atau menurun bergantung kepada perubahan Kadar Dasar Semalaman (OPR) yang diputuskan oleh Bank Negara Malaysia. Layari laman web kami <https://www.bsn.com.my/page/profit-rates> untuk maklumat lanjut siri sejarah KAS.

Jika anda ingin menyelesaikan pembiayaan anda lebih awal, anda perlu tahu:

- Penjelasan awal dibenarkan pada bila-bila masa dengan mengemukakan notis secara bertulis kepada BSN.
- Tiada tempoh 'lock-in' untuk kemudahan ini dan BSN akan memberikan Ibra' (rebat) ke atas keuntungan tertangguh sekiranya anda menyelesaikan pembiayaan lebih awal.
- BSN akan memberikan Ibra' apabila jumlah keuntungan berdasarkan EPR adalah lebih rendah daripada jumlah keuntungan berdasarkan CPR.
- BSN berhak untuk mengenakan apa-apa kos sebenar yang berbangkit akibat daripada penjelasan awal tersebut.

Adalah tanggungjawab anda untuk:



Membaca dan memahami **terma-terma utama** dalam **kontrak** sebelum anda menandatangani.



Membayar ansuran bulanan anda tepat pada masa dan sepenuhnya **selama tempoh pembiayaan**. Hubungi kami jika anda ingin menyelesaikan pembiayaan anda lebih awal.



Pastikan anda mampu membayar ansuran yang lebih tinggi sekiranya Kadar Dasar Semalaman (OPR) meningkat.



Segera hubungi BSN sekiranya anda tidak dapat membuat pembayaran ansuran bulanan.

3 Ketahui Risiko Anda

Apa yang berlaku jika anda mengabaikan tanggungjawab anda?

- Anda **membayar lebih secara keseluruhan** disebabkan oleh caj bayaran lewat (Ta'widh).
- BSN berhak **menolak selesai baki tertunggak** pembiayaan anda daripada sebarang wang dalam akaun simpanan BSN anda.
- Had kemudahan akan digunakan untuk **menyelesaikan keuntungan** yang belum dibayar, dan seterusnya akan meningkatkan asas bagi pengiraan keuntungan. Caj bayaran lewat akan dikenakan apabila had kemudahan telah digunakan sepenuhnya untuk menampung keuntungan yang belum dibayar.
- BSN berhak **mengambil tindakan undang-undang** terhadap anda, sekiranya berlaku kemungkiran terhadap terma-terma pembiayaan oleh anda.
- **Skor kredit** anda mungkin terjejas, menjadikan permohonan pembiayaan lain pada masa hadapan menjadi lebih sukar atau mahal untuk anda.

Ansuran bulanan anda mungkin meningkat sepanjang tempoh pembiayaan anda.

KAS mungkin meningkat disebabkan kenaikan OPR yang ditetapkan oleh Bank Negara Malaysia. Kenaikan KAS bermakna anda perlu membayar ansuran bulanan yang lebih tinggi.

	Kadar Semasa 9.45% setahun	Kadar Meningkat sebanyak 1%	Kadar Meningkat sebanyak 2%
Keuntungan (Penggunaan pertama: RM20,000 untuk tempoh 12 hari)	RM62.14	RM68.71	RM75.29
Keuntungan (Penggunaan kedua: RM50,000 untuk tempoh 8 hari)	RM103.56	RM114.52	RM125.48
Jumlah keuntungan sebulan	RM165.70	RM183.23	RM200.77

Nota: Contoh di atas adalah untuk tujuan ilustrasi sahaja.

4 Terma Utama Lain

- Bagi bayaran keuntungan bulanan, pihak Bank akan mendebit caj keuntungan bulanan berdasarkan jumlah pembiayaan yang digunakan daripada akaun BSN Micro Cashline-i anda pada setiap hujung bulan. Caj keuntungan tersebut akan dibayar mengikut kadar keuntungan semasa. Sekiranya caj keuntungan tidak dijelaskan, caj bayaran lewat akan dikenakan dan jumlah tersebut akan dianggap sebagai penggunaan prinsipal pada hari berikutnya.
- Pembayaran prinsipal adalah berdasarkan pengurangan had pembiayaan secara berkala. Penyelesaian penuh pembiayaan mesti dibuat sebelum atau pada tarikh matang kemudahan tersebut, kecuali jika tempoh pembiayaan telah diperbaharui.
- Pastikan baki di dalam akaun BSN GIRO-i Premium anda mencukupi untuk menjelaskan caj keuntungan bulanan serta pengurangan had kemudahan yang berlaku. Ini dapat mengelakkan jumlah had berlebihan dan mengelakkan caj bayaran lewat.
- Adalah penting untuk anda memaklumkan kepada BSN sebarang perubahan maklumat dalam butiran peribadi anda untuk memastikan segala surat-menyurat sampai kepada anda tepat pada masanya.
- Sumbangan perlindungan Takaful (pilihan) dan tertakluk kepada baki belum jelas bulanan.
- Tiada cagaran diperlukan dan BSN berhak untuk meminta anda menyediakan penjamin (sekiranya perlu).

Jika anda mempunyai sebarang pertanyaan atau memerlukan bantuan mengenai kemudahan aliran tunai anda, anda boleh:



Hubungi kami di:
Tel: 03-2613 1900
(8.00 pagi – 10.00 malam)



Kunjungi kami di:
<https://www.bsn.com.my/BusinessBanking/Products/business-financing-products-index?lang=ms-MY>



E-mel kami di:
customercare@bsn.com.my



Imbas kod QR di atas

Pengakuan Pelanggan*

Pastikan anda mengisi bahagian ini sendiri dan sedar tentang apa yang anda tandatangani.

- ☐ Saya mengakui bahawa **Bank Simpanan Nasional** telah memberikan saya salinan PPP.
- ☐ Saya telah membaca dan memahami maklumat utama yang terkandung dalam PPP.

* *Pengakuan pelanggan terhadap perkara ini tidak akan menjejaskan haknya untuk mendapatkan ganti rugi sekiranya berlaku pertikaian mengenai terma dan syarat produk di kemudian hari.*

.....
Nama:
Tarikh: